

CHARACTERVM DVARVM QVIBVS DORSALIS MEDVLLAE NERVORVM SERIES EXPRIMITUR figurarum Index.

QVONIAM praesens characterum index duabus figuris habetur communis, & nonnulli characteres utriusque communes, alij peculiare sunt, non inopportune has notas 1, 2 pro characterum ratione illis subscribam. et licet numeri characteres in figuris sint obuij, illis subiungendis notis parum obscuritatis accessurum arbitror.

- A 1, 2 Dorsalis medullae sedes, qua primum uertebras ingreditur.
 1, 2, 3 4, 5, 6, 7. 1 Septem cervicis uertebræ. His quoque characteribus dorsalis medullae nervorum paria designantur, quæ ad elatiorem sedem eius cui numerus inscribitur uertebræ spectant.
 8, 9, 10, 11, 12, 13, 14, 15, 16, 17, 18, 19. 1 Duodecim thoracis uertebræ.
 20, 21, 22, 23, 24. 1 Quinque lumborum uertebræ.
 25, 26, 27, 28, 29, 30. 1 Sex sacri ossis ossa. os autem quod coccyx dicitur, hic non appropinquamus, quia spinalem medullam non continet, nullusque nervus ab ipso elabatur. B 2 Prima cervicis uertebræ.
 C 2 Prima thoracis uertebræ. atque ita à B ad C septem cervicis notantur uertebræ.
 D 2 Prima lumborum uertebræ. à C uero ad D duodecim thoracis uertebræ indicantur.
 E 2 Principium ossis sacri, unde etiam à D ad F quinque lumborum uertebræ in conspectum ueniunt.
 F 2 Primi paris nervorum dorsalis medullae iam in uertebris posita posterior propago.
 G 1, 2 Posterioris primi paris propaginis series. notatur autem praecipue ramus ipsius transversum primæ uertebræ processum accedens, inibi in musculos aliquot digerendus, quos in Caputem contextus serie explicabimus, ne forte nervorum dorsalis medullae characterum explicatio aliquoquin proluxa, in immensum excrescat. H 1 Anterior primi paris propago.
 I 2 Secundi paris posterior propago, atque hoc etiam characterem eius propaginis minor ramus insignit.
 K 2 Posterioris secundi paris propaginis crassior ramus.
 L 2 Commixtio coitus uel tertij paris rami, S in prima figura notandi, cum secundi paris ramo K iam indicato.
 M, M 1, 2 Crassioris secundi paris series ad uerticis & occipitij cutem.
 N 1 Anterior secundi paris propago.
 3. 1 Tertij par. O 1, 2 Posterior tertij paris ramus retrorsum ad spinam secundæ cervicis uertebræ reflexus, ac inter musculos uertebris hac sede adnatos latitans. Quando uero spinam contingit, extrorsum fertur per mutuum congressum dextri lateris musculorum cervicis posteriora occupantium cum musculis sinistri lateris, atque hinc rursus oblique in latera ducitur. Hunc sanè ductum omnium parium à tertio hoc, ad uigesimum quartum usque, posteriores rami imitantur.
 P 1 Anterior tertij paris ramus, qui in quatuor dirimitur propagines. ac Q in priori figura primam indicat musculus cervicem flectentibus insertam. R in utraque secundam propaginem, quæ cum quarti paris propagine Y notanda cõgreditur. S in priori tertiam, quæ posterioris secundi paris propaginis grandiori ramo K notato inibi commiscetur, ubi L in secunda figura scripsimus. T in utrisque quartam anterioris tertij paris rami insinuat propaginem musculus inserta, qui transversis uertebrarum committuntur processibus.
 4. 1 Quartum par. Veritus ne characterum copia praesentes nervorum tabulas nequaquam profecto casu partas, nec alijs plagio suffuratas oblitteraret, quarti paris characteres in sinistram latus reieci, ut dextrum latus aliquoquin pluribus oneratum characteribus, hac saltem sede liberum esset, ipsique quinti paris & subsequentium parium indices opportunitus accommodarentur.
 V 1, 2 Posterior quarti paris ramus.
 X 1, 2 Anterior quarti paris ramus in ternas diremptus propagines. Y in priori figura indicatur, prima propago, tertij paris propaginem R insignitam admittens. a in eadẽ secunda propago in musculos dispersa, transversos uertebrarum processus occupantes. b similiter in priori tertia propago, quinti paris portionem e notandam, ad septi transversum nervi constitutionem accedens.
 5. 1 Quintum par. c 1, 2 Quinti paris posterior ramus.
 d 1, 2 Quinti paris anterior ramus, ab ipsius interno latere ramulum musculus cervicem flectentibus exporrigens, qui inter d & characterem 6 est conspicuus.
 e 1 Propago anterioris quinti paris rami, maximam constituentem portionem septi transversum nervi.
 f 1, 2 Anterioris

- Anterioris quinti paris rami propago, quæ inter musculos occulta ad summum perreptat humerum. Characteres illi in secunda hoc modo r, & conspicui, huius propaginis soboles notant, musculus scapulam attollentibus oblatus.
 g 1, 2 Propaginis f notata ramus in cutem exporreclis, quæ summum integit humerum, & musculus quo brachium attollitur.
 h 1, 2 Propaginis f notata ramus musculi brachium attollentis parti insertus, quæ à clavicula & summo humero, quæ is clavicula articulatur, principium ducit.
 i 1, 2 Propaginis quam f insigniuimus ramus, brachium attollentis musculi parti insertus, quæ à scapulae spina exorditur: soboles autem rami i notati quæ in brachij cutem exporrigitur, cum brachij nervorum notis π & π in utraque figura indicabitur.
 6. 1 Sextum par. k 2 Posterior sexti paris ramus.
 l m Nescio qua incuria l & m in prima figura omiserim, num scilicet in apponendis characteribus eos praeterierim, quum in sinistro latere fortassis illos adhibitos arbitrarer: an uero appositos sculptor non expenderit. Vtunque sit, ad sinistram latus e, tuo Marte adscribes, ut sexti paris anteriorem indices ramum. m uero accommodabitur illi surculo, quem à sexto pari uersus n, hoc est septi nervum, deduci conspicias. Atque id figura hic inserta monitus, multo praestiteris facilius, quam ego, delineationem forte iutiaturus, & nihil interim promoturus, iam sculpta ac praelo subiicienda tabula l & m cæteris characteribus adijcere possem.
 n 1, 2 Septi transversum nervum ex tribus surculis b, c & m conflatus. Quod uero utriusque lateris nervus & in priori figura & in posteriori obliquo ductu incedat, hinc fit, quod interscipientes thoracem membranae propter cordis inuolucrum quod inibi amplexantur, hac sede extuberant.
 o 1, 2 Septi transversum nervum in septum series.
 p 2 Sexti paris ramus cauiam scapulae sedem petens, & uariis oblatus musculis.
 q 1, 2 Anterioris sexti paris rami cum proximorum parium ramis implexus, portioque brachium accedens.
 7. 1 Septimum par.
 r 2 Posterior septimi paris ramus, similiter atque alij huius sedis rami sparsus.
 s 1 Congressus septimi paris cum proximis paribus, qui nervos in brachium deducit.
 t 1, 2 Propagines sunt septimi paris, seu potius nervi brachium petentis tertij, ac r notandi, quæ in huius sedis musculos scapulam & brachium moventes accedunt.
 8. 1 Octauum par, seu parium dorsalis medullae in thoracis uertebris reposita primum.
 u 2 Posterior octauum paris ramus.
 x 1, 2 Octauum paris congressus cum septimo pari, a quo in brachium aliqui exporriguntur nervi.
 y 1 Octauum paris propago secundum superiorem primæ thoracis costae sedem ad pectoris usque summum prorepens.
 z 1, 2 Surculi octauum partis, seu potius quarti brachium aduentis nervi, qui in huius sedis musculos diffunduntur. 9. 1 Nonum par. 2 Posterior noni paris ramus.
 a 1 Ne y uicinum ipsi y offenderet, anteriorem noni paris ramum d insigniuimus, hic quoque notantes eius rami propaginem primæ costae exporreclam.
 1 Propaginis d insignite surculi, in musculos thoraci hic instratos protensi. Verum huiusmodi surculi in subsequentibus paribus exprimentur dilucidius.
 10, 11, 12, 13, 14, 15, 16, 17, 18, 19. 1 Paria nervorum a nono pari ad uigesimum usque notantur, quibus eadem pene propaginum, & potissimum ad costarum interualla est series.
 11, 12 Surculi intercostalium nervorum sexti paris nervorum cerebri ramum augentes, qui sub tunica costas succingente costarum radicibus exporrigitur.
 12, 13 In dextro prioris figurae latere rami notatur, ab intercostalibus nervis in musculos uaria serie excurrentes, qui thoraci insternuntur. Verum in sinistro latere paulo expressius eiusmodi ramos insigniui. Nam i & i ramos indicant in elatiorem partem exporreclis musculi brachium pectori adducentis, cuius fibræ deorsum oblique, ut & praesentes rami, porriguntur. n uero & n rami indicantur in humiliorem eius musculi sedem excurrentes, ac oblique sursum reflexi. Porro l & l rami ostenduntur, oblique descendenti abdominis musculo exporreclis. u & u rami insinuantur in musculus propagati, cuius ope brachium uersus dorsum humiliora ducitur. At
 o eiusmodi